

deur afgode besoedel

2 Mei 2021

Afgod

*Bonatuurlike mag (iemand, iets) van wie jy iets verwag, wat jy dink Die Gesalfde nie vir jou **kan** gee nie.*

Afgodediens

*Verering van die **afgod** sodat jy dít kan verkry wat jy verwag.*

Handelinge 15:19-20

Daarom oordeel ek dat ons die wat uit die heidene hulle tot God bekeer, nie moet bemoeilik nie, maar aan hulle skrywe dat hulle hul moet onthou van

- **die dinge wat deur die afgode besoedel is**
- en van hoerery
- en van wat verwurg is
- en van bloed.

Levitikus 17:3-9

[3] Elkeen uit die huis van Israel wat 'n bees of 'n lam of 'n bok in die laer slag of dit buitekant die laer slag, [4] en dit nie bring by die ingang van die tent van samekoms om aan Jahwe 'n offer voor die tabernakel van Jahwe te bring nie - as bloedskuld moet dit dié man aangereken word. Hy het bloed vergiet; daarom moet dié man uitgeroei word onder sy volk uit; [5] sodat die kinders van Israel hulle slagoffers wat hulle gewoon was om op die oop veld te offer, aan Jahwe by die ingang van die tent van samekoms na die priester kan bring en dit as dankoffers aan Jahwe kan slag. [6] Dan moet die priester die bloed teen die altaar van Jahwe by die ingang van die tent van samekoms uitgooi en die vet aan die brand steek as lieflike geur vir Jahwe.

[7] En hulle mag nie meer hulle slagoffers offer **aan die veldduiwels agter wie hulle aan hoereer nie**. Dit moet vir hulle 'n ewige insetting wees vir hulle geslagte.

[8] En jy moet vir hulle sê: Elkeen uit die huis van Israel en uit die vreemdelinge wat onder hulle vertoef, wat 'n brandoffer of 'n slagoffer bring, [9] en dit nie by die ingang van die tent van samekoms bring om dit vir Jahwe te berei nie - dié man moet uit sy volksgenote uitgeroei word.

Strong's: H08163 שַׁעִיר saw-er'

shaggy; ... a *he goat*; by analogy a *faun*





1 Korinthiërs 8

[1] En **met betrekking tot die offervleis aan die afgode** weet ons dat ons almal kennis het. Die kennis maak opgeblase, maar die liefde stig. [2] As iemand meen dat hy enige kennis het, weet hy nog niks soos 'n mens behoort te weet nie. [3] Maar as iemand God liefhet, dié word deur Hom geken.

Kennis

1 Korinthiërs 8

[4] Wat dan die eet van **die offervleis aan die afgode** betref, weet ons dat 'n afgod niks in die wêreld is nie, en dat daar geen ander God is nie, behalwe Een.

[5] Want al is daar ook sogenaamde gode, of dit in die hemel en of dit op die aarde is — soos daar baie gode en baie here is — [6] tog is daar vir ons maar een God, die Vader uit wie alles is, en ons tot Hom, en een Heer Jahsua, Die Gesalfde, deur wie alles is, en ons deur Hom.

[7] Die kennis is egter nie in almal nie; maar sommige, **nog altyd bewus van die afgod, eet dit as 'n afgodsoffer**, en hulle gewete, wat swak is, word besoedel. [8] Maar die voedsel bring ons nie nader by God nie; want as ons eet, het ons geen oorvloed nie, en as ons nie eet nie, ly ons geen gebrek nie.

Liefde

1 Korinthiërs 8

[9] Maar pas op dat hierdie vryheid van julle nie miskien 'n struikelblok word vir die wat swak is nie. [10] Want as iemand jou wat kennis het, aan tafel sien in 'n afgodstempel, sal sy gewete, as hy 'n swak man is, **nie aangemoedig word om van die offervleis aan die afgode te eet nie?**

[11] En moet die swakke broeder vir wie Die Gesalfde gesterf het, verlore gaan deur jou kennis? [12] Maar deur so teen die broeders te sondig en hulle gewete wat swak is, seer te maak, sondig julle teen Die Gesalfde.

[13] Daarom, as voedsel my broeder laat struikel, sal ek in der ewigheid geen vleis eet nie, om my broeder nie te laat struikel nie.

Kennis < Liefde

1 Korinthiërs 10

[1] Want ek wil nie hê, broeders, dat julle nie sou weet nie dat ons vaders almal onder die wolk was en almal deur die see deurgegaan het, [2] en almal in Moses gedoop is in die wolk en in die see, [3] en almal dieselfde geestelike spys geëet het, [4] en almal dieselfde geestelike drank gedrink het, want hulle het gedrink uit 'n geestelike rots wat gevolg het, en die rots was Die Gesalfde.

[5] Maar God het in die meeste van hulle geen welgevalle gehad nie, want hulle is neergeslaan in die woestyn.

[6] En hierdie dinge was voorbeelde vir ons, dat ons nie begerig moet wees na slegte dinge soos hulle begerig was nie.

[7] afgodedienaars [8] hoereer [9] Die Gesalfde versoek [10] murmureer [...]

[12] Daarom, wie meen dat hy staan, moet oppas dat hy nie val nie.

[13] Geen **versoeking** het julle aangegryp behalwe 'n menslike nie; maar God is getrou, wat nie sal toelaat dat julle bo julle kragte versoek word nie; maar Hy sal saam met die versoeking ook die uitkoms gee, sodat julle dit sal kan verdra.

[14] Daarom, my geliefdes, **vlug vir die afgodediens**.

1 Korinthiërs 10

[16] die beker van danksegging wat ons met danksegging seën, is dit nie die gemeenskap met die bloed van Die Gesalfde nie? Die brood wat ons breek, is dit nie die gemeenskap met die liggaam van Die Gesalfde nie? [17] Omdat dit een brood is, is ons almal een liggaam, want ons het almal deel aan die een brood. [18] Let op Israel na die vlees: het die wat die offers eet, nie gemeenskap met die altaar nie?

[19] Wat sê ek dan? Dat 'n afgod iets is, of dat 'n afgodsoffer iets is? [20] Nee, maar dat die heidene wat dit offer, **aan duiwels offer** en nie aan God nie. En ek wil nie hê dat julle met die duiwels gemeenskap moet hou nie.

[21] Julle kan nie die beker van die Heer drink en ook die beker van die duiwels nie. Julle kan nie deel hê aan die tafel van die Heer en ook aan die tafel van die duiwels nie.

Opsomming

- 1) Objek: neutraal. Die verskil word gemaak deur Gesindheid
- 2) Kennis + Liefde, Liefde oortref kennis
- 3) Selfs gereddenes is in gevaar (versoekinge)
- 4) Vlug vir afgodediens
- 5) Gemeenskap met net EEN

Wie voorsien alles?